

112

numm ihebe

113

his tra rthe

114

num ihebe

115

num ihebe

116

num ihebe

117

num ihebe

118

num ihebe

119

num ihebe

1120

num ihebe

1121

num ihebe

1122

num ihebe

1123

num ihebe

1124

num ihebe

1125

num ihebe

1126

num ihebe

1127

num ihebe

88

Mani die leryhu 3 Brücke =

(= 44) 1) Sacrobüste, Johannes de

Sphaerionem opus certum.

[Leipzig: bei Walter des Capellans, 1485-1489]

Hain. X 74 295

BMB. III, S. 636.

EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

(= 45) 2) Vegius, Maſſeris (nicht: Vitorius?)

De veritate et philoſophie
Leipzig: Konrad Kachelofen.

Hain. 24942

Hain X 15929, BMB III S. 632

3. Tibullius Albinus:

Ec. 8

Elegia de amore et lani Eximio Messalae

(= 46) Leipzig: Konrad Kachelofen. nicht nach 44 S. 27

BMB

III,

S. 623

DISPUTATIO IX.

DE TESTAMEN-
TIS ORDINANDIS.

17

Quam

*Pro laudabili & recepta scholæ consuetudine,
exercitii privati gratia in illustri Uui-
tebergensium Academia*

Præside

GOTTFRIDO MULLERO
ASCANIENSI SAXONE, LL.
STVDIOSO,

Humanissimis & doctissimis aliquot juvenibus, Col-
legis meis suavissimis propono ad
10. Cal. Iul.

DAVID VVENNEMETERS,
ASCANIENSIS SAXO.



WITTEBERGÆ,
ANNO MDCCCXIX.

17



REVERENDO ET
DOCTISSIMO VIRO, Dn. M. ZACHARIE WEN NEMEYERO, PASTORI
PLOTZCAVIENSIVM FIDELISSIMO,
Parenti suo dilectissimo;

Nec non,

CLARISSIMO DOCTISSIMO-
QUE VIRO, Dn. M. ALBERTO VOITO,
ILLVSTRIS GYMNASII SERVESTANI
PROFESSORI PVBLICO, ET SCHOLÆ
Trivialis Moderatori, Præceptoris
suo, debita observantia
colendo

Dedicat

Respondens.

WILHELMUS
ANNO 1810

DISPUTATIO IX.
DE TESTAMENTIS.

Continuatio.

Propositis haecenus ab Imperatore nostro modis, qualiter res singulae particulariter acquirantur: nunc ordine sequitur videre, qualiter res per universitatem nobis acquirantur, idque cum testamento, quod primum in his acquirendis sibi locum vindicat, accedere soleat, propterea utilissimam toto jure testamentorum materiam & scitu maxime necessariam hoc in loco discutiamus.

Th. I.

Testamentum itaque quod a mentis testatione (a) dictum, & a jure gentium originem traxit (b) est voluntatis nostrae justa sententia, de eo, quod quis post mortem suam fieri velit.

Notatio
definitio

(a) Pr. inst. de test. ord. idque per notationem logicam, ex forma testamenti desumptam, vult. in pr. Inst. de test. ord. n. 12. Daubt in proleg. de testam. & success. n. 9. Diss. Laurent. Valla, veram Etymologiam esse negans: sed fallis Valla qui Imperatorem ad Grammaticam Etymologiam, literas & syllabas annumerantem, respexisse opinaris, cum jus nostrum non verbis, sed rebus positum sit l. scire leges 17. D. de ll. (b) Vigl. ad §. sed praedicta, Inst. de test. ord. Iason in rubr. D. de acquir. vel amittit. hered. VVes. in w. D. qui test. fac. poss. vult in §. 1. n. 1. inst. de test. ord. (c) l. 1. D. qui test. fac. poss. Cujac. in w. D. qui test. fac. poss. VVes. in π. eod. Vigl. in pr. inst. de test. ord. Diss. Accurs. in l. 1. D. qui test. fac. poss. acriter vult. in pr. Inst. de test. ord. n. 14. & seqq. latiore suo definito hanc definitionem esse contendens.

II.

Testamentum aut est paganum, aut militare, paganum est, quod fit domi extra militiam, & subdividitur in commune & peculiare, commune est testamentum factum secundum praescripta juris civilis.

Distributio

vilis, hoc est, in quo omnes solennitates ritè observantur: Peculiare est, in quo aliquid singulariter receptum est, quàm in testamento communi. Militare est verè, vel quasi militare, illud quod à militibus armatis in expeditione existentibus, factum est *arg. tot. tit. D. & C. de test. milit*: hoc, quod ad exemplum testamenti militaris comparatum est; Testamentum factum ab aliquo tempore pestis, in loco illo, ubi testamentum fit, grassantis. Vtrumq, scribitur vel nuncupatur, illud dicitur scriptum, hoc nuncupatum, *§. fin. Inst. de test. ord.*

III.

Causa efficiens. Habent testamenti factionem omnes qui non prohibentur, *l. 4. & 19 D. qui test. fac. poss. tot. tit. Inst. quibus non est permis. fac. test.*

IV.

Prohibentur autem vel lege, vel à natura: lege, propter defectum suæ potestatis, ut servi, (a) filiusfam. (b): à natura, ob defectum nimirum aliquem vel animi, ut est infans, impubes (c) mente captus, furiosus (d) prodigus (e): vel corporis, ut mutus, surdus (f) cæcus (g)

(a) *l. 19. D. qui test. fac. poss. l. quod attinet 33. l. servitutem 210. D. de R. I. Daubt. in rubr. qui test. fac. poss. pag. 294. idq, etiam ad Monachos extenditur c. quia ingrediētibus c. si qua mulier §. nūc autē quo Monachus 19. q. 3. Auth. ingressi Auth. de Monachis C. de SS. Eccles. nisi ante monachismū testamentū fecerint, tūc enim illud per ingressum monasterij non rumpitur, Br. in Auth. si qua mulier C. de SS. Ecel. Diss. Cyn. in d. Auth. si qua mulier: vel si, cum ingrederetur, protestatus esset de bonis retinendis (b) *pr. Inst. quibus non est permis. fac. test. tam de peculio profectitio, quā adventitio, nulla facta inter bona adventitia differentia, gl. in Auth. idem est in his, C. de bon. quæ lib. Dd. in pr. Inst. per quas pers. cuiq, acqu. Ves. consil. 17. n. 3. Don. 6. com. 5. Diss. Vaud. 1. q. 1. quem sequitur Treut. vol. 2. disp. 11. th. 2. lit. a. Et hæc quæ de filiofam: diximus adeò vera sunt, ut ne consentiente quidem patre testamentum facere possit, l. qui in potestate 6. D. qui test. fac. poss. pr. Inst. vers. adeò, quibus non est permis. fac. test: aliter tamen sese res habet in bonis castrensibus, & quasi. pr. Inst. quibus non est permis. fac. test. (c) *§. 1. Inst. quibus non est permis. fac. test. (d) d. §. 1. §. furiosi, vers. sed & mente captis, Inst. de curat. nisi testamentum per furoris intervalla confecerit, Vigl. in d. §. 1. (e) l. 18. D. qui test. fac. poss. §. 2. Inst. quibus non est permis. fac. test. (f) idq, intelligit***

intelligendum de ijs mutis & surdis, qui literas ignorant *Vigl. ad P.*
3. *Inst. quib. non est permisso fac. test. (g) nisi testetur secundum formam, l. 8. C. qui test. fac. poss.*

V.

Sed quid de fatuo dicendum, testari ne potest?

Aff. Duar. in tit. D. de his qui test. fac. poss. Dauht. de test. n. 220.
Diss. Iason in l. ex facto D. de vulg. & pupil. subst.

VI.

Prohibentur deniq; quidam testamentum facere, vel ob mortem civilem (a) vel ratione poenae (b) vel ratione hæreseos (c)

(a) *Putat si quis ab hostibus captus §. fin. Inst. quib. non est permisso fac. test. l. 8. in pr. ubi Dd. D. qui test. fac. poss. id tamen rectè restringitur ad ea bella, quæ fiunt contra Turcas & alios infideles, aliter sese res habet in ijs, quæ inter christianos geruntur, siquidem in his nulla captivitate servitus contingit, cum jamdudum apud Christianos servitus relegata & sublata, Alciat. ad l. hostes de V. S.*
(b) *uti est damnatus ad mortem l. ejus §. 1. D. qui test. fac. poss. hodie tamen id abrogatum esse per Nov. 134. c. ult. & Auth. bona damnatorum cum Dauht. de testam. fol. 179 affirmo contra Treutl. vol. 2. disp. 10. th. 2. lit. h. (c) ut sunt hæretici, Auth. credentes C. de hæreticis & manich.*

VII.

Forma testamenti nihil est aliud, quàm legitimè in testamentis ordinandis requisita dispositio: eaq; consistit partim in heredis institutione, partim in adhibitione testium, partim in ipsa actione. *Forma.*

VIII.

Heredis institutio, quæ veluti caput & fundamentum est omnis testamenti, nihil est aliud, quàm illa successoris à testatore facta designatio.

§. ante heredis 34. Inst. de legat. l. 1. D. de hered. instit.

IX.

Institutio hæc aut est necessaria, aut voluntaria. Necessaria est, quæ versatur circa liberos olim in potestate existentes solum, hodie etiam emancipatos (a), & his deficientibus, parentes (b): Voluntaria est, si nulli testatori liberi vel parentes, aut hi per exheredationem ritè summoti, extraneus heres instituitur (c)

43

(a) *Auth.*

(a) *Auth. in successione C. de suis & legitimis, Nov. 118.* (b) *si-
quidem & hi necessario sunt instituendi aut exheredandi l. 14. l. 15.
D. de inoff. test.* (c) *§. 1. Instit. de hered. instit.*

X.

Institutiones hæ sunt vel plurimum heredum, vel unius tantum:
plurimū, si testator, plures liberos habēs, eos omnes heredes instituer
teneatur, vel si liberos non habēs, plures personas extraneas instituit:
(a) unius, si unicum filium habens, eum heredem instituit, vel si nullū
habens, unam saltem personam extraneam. (b)

(a) *§. si plures 6, Instit. de hered. Instit. & hoc casu, si testator
divisionem non fecerit, lex dividit hereditatem in partes 12. §. he-
reditas inst. de hered. Instit.* (b) *§. 4. Instit. d. t.*

XI.

Hinc non ineleganter quæritur, num pater uni filiorum plus
quàm alteri relinquere possit, & sic ex inæqualibus partibus liberos
heredes scribere? Affirmatur, dum modò legitima debita neminem
defraudet.

*Per expressum tex. in l. parentibus 8. C. de inoff. test. Gail. 20
obs. 112. n. 14. Consultius tamen est, & æquitati magis conveniens,
inter liberos æqualitatem, ad quam ipsa lex patrem invitat, servare,
cum inæqualitas maximas soleat parere discordias l. inter filios C.
famil. hercisc. Auth. in success. C. de suis & legit. Et quamvis pater
unum ex liberis prædiligere, eiq; plus quàm alteri justis ex causis as-
signare possit arg. pr. Inst. de assign. libert. id tamen summo omni-
um politicorum consensu summam meretur reprehensionem, si pa-
rens ex injusta inæqualitate & absq; ulla consideratione unum ex li-
beris plus vel minus amet, Siquidē is, qui in nulla apud patrē est gra-
tia, non tantum debitā patri reverentiā ex animo deponit, & sæpē si-
bi ipsi, dum parentis animum à se alienatum videt, mortem infert, ut
de Torquati filio testatur Valer. Max. lib. 4. c. 8. verum etiam ei,
qui plus amatur, insidias machinari incipit. Rectè id docet Guazz. de
conversat. civ. f. 500.*

XII.

Institutiones deniq; sunt vel puræ, vel conditionales. Puræ
sunt, quando in illis simpliciter fit heredis mentio (a): Conditionales
sunt, quæ sunt sub conditionibus, iisq; honestis & possibilibus (b)

(a) *Veluti, Titius heres esto §. puræ 3. Inst. de hered. instit.* (b)

d. §. 3.

d. §. 3. Si enim impossibiles & turpes & inhonestæ, quemadmodum & temporis conditio, veluti, usq; ad calendas istas heres esto, invalidæ & pro non adjectis habentur d. §. 3.

XIII.

Possunt autem omnes heredes institui, qui non prohibentur, Pr. Inst. de hered. instit.

XIV.

Prohibentur autem heredes institui peregrini, h. e. qui cives Romani non sunt, (a) filij reorum læsæ Majestatis, (b) illi qui improbi & intestabiles esse à lege jubentur (c)

(a) l. sed si §. §. solemus D. de hered. Instit. nisi à milite sit institutus l. idem est 13. §. & deportati 2. D. test. milit. (b) l. quisquis C. ad l. Iul. Majest. (c) l. cum lege 26. D. qui test. fac. poss. quales sunt heretici l. 3. C. de Apostat. Nov. 144. & damnati ob famosum carmen l. 18. §. si quis 1. D. qui test. fac. poss.

XV.

Sed quid dicendum? Avusne nepotem ex filio spurio heredem instituere potest? Affirmantibus subscribo.

Eleganter hanc questionem perstringit Fachin. 5. contr. 97. Gail. 2. obs. 115. & obs. 88. n. 15. V. Clar. lib. 3. sent. §. testamentum. q. 31. Tiracq. de jure primogen. q. 12. n. 14.

XVI.

Et tantum de heredis institutione, de testium adhibitione, que non minus de substantia testamenti est, videbimus.

XVII.

In his duo attendi debent, nimirum ipsorum personæ, & adhibendi modus. In personis ipsis hoc spectatur, ut testes sint idonei, id est, qui jure adhiberi permittantur. l. 1. §. 1. D. de testib.

XVIII.

Prohibentur autem quidam in testamento testes esse, vel natura, vel lege. Natura, ob defectum aliquem animi vel corporis, & iterum ob defectum animi, quod vel omninò non intelligant, vel non intelligant id, de quo agitur. Prioris generis est furiosus (a) posterioris generis impubes (b): corporis, ut est mutus (c) surdus (d) cæcus (e)

(a) Vti est furiosus, infans l. 20. §. ne furiosus D. qui test. fac. poss. (b) §. §. Inst. de test. ord. (c) d. §. §. quia cum loqui nequeat, nec testimonium perhibere potest (d) d. §. §. quia is vocem testatoris non exaudit (e) quia hic testatorem non videt.

XIX.

Lege verò in testamento testes esse prohibentur omnes illi, quos leges jubent esse improbos & intestabiles, quales sunt condemnati ad ultimum supplicium, hæretici & similes (a), item servus (b), mulier (c) & ille, qui est in testatoris potestate (d) heres ipse institutus (e) heredis instituti pater, & heredis instituti fratres (f) non legatarij (g)

(a) §. 6. Inst. de test. ord. (b) d. §. 6. (c) sæpè d. §. 6. excepto testamento ad pias causas & militari (d) §. 10. Inst. de test. ord. (e) d. §. 10. (f) d. §. 10. (g) §. legatarijs Inst. de test. ord. ubi eleganter Vult. Vigl. ad d. §. legatarijs. Diss. quò ad testamentum nuncupativum Duar. ad tit. D. qui test. fac. poss. p. 326.

XX.

Frater in testamento fratris (a) filius emancipatus in patris (b) filiusfam. in matris, libertus in patroni testamèto testis esse potest (c)

(a) §. testibus 9. Inst. de test. ord. Don. de testib. c. 3. Vigl. ad §. pater, Inst. de test. ord. Diss. Dd. com. in primis Duar. 1. disp. 28. & ad tit. D. de testib. pag. 240. (b) Vigl. ad §. 8. n. 4. Inst. de test. ord. Don. 6. com. 7. Diss. vulga Dd. per l. 6. C. de testib. Duar. 1. disp. 28. (c) antea dicti Dd.

XXI.

Modum testes adhibendi quod attinet, primò desideramus, ut testes sint rogati. (a) Rogatos autem tum intelligimus, si istius rei, ob quam rogantur, certiores reddantur, simulq; rogentur, ut actui interesse velint (b)

(a) l. heredes 21. §. in testamentis D. qui test. fac. poss. (b) Don. 6. com. 6. V. Gothofr. ad Nov. 90. c. 1.

XXII.

Secundò, in testibus non tantum requiritur, ut sint rogati, sed etiam ut animo & corpore præsentés sint, (a) intelligantq; quid agatur, & testatorem non loquentem tantum audierint, sed etiam viderint (b)

(a) §. 3. Inst. de test. ord. l. si non speciali, §. c. eod. (b) l. si unus 12. C. de test. vbi Dd.

XXIII.

Tertiò requiritur etiam certus testium numerus, qui numerus ob varia testamentorum genera variat, & non semper unus idemq; in omnibus testamentis testium numerus adhibetur.

Aut

XXIV.

Aut enim est Testamentum commune Solenne, vel Nuncupativum, nihil interest, & septem requiruntur.

§. 3. vers. septem testib. Inst. de test. ord. idq; consuetudine ita observatur, & constitutum est in Comit. Colon. anno 1512. sub Maximil. 1. sub tit. Von Testamenten §. Und sollen die Notarij.

XXV.

Quæritur num ille sollemnis testium numerus sit de forma testamentorum substantiali? Affirmativæ sententiæ calculum adjicimus nostrum,

l. hac consultissima §. ex imperfecto C. de testam. Br. in l. 55. D. de legat. 1. Diff. Alciat. ad l. 1. C. de SS. Eccl. & 6. parad. 17.

XXVI.

Quæstio etiam agitur, an id quod jus civile septem testes requirat, sit juri divino contrarium? Et tutius est ut negemus.

Garz. in tract. de ult. §. jur. n. 242. Quia cautius est agendum, ubi majus vertitur periculum, l. 1. §. 5. D. de Carbon. edit.

XXVII.

Si testamentum est peculiare, hic numerus remittitur, vel in totum, vel pro parte: in totum, cum testamentum sit coram principe vel per preces principi oblatas (a) vel coram judice apud acta (b)

(a) *l. omnium 19. C. de testam. l. sancimus C. de donat. (b) l. testamenta C. d. t. Don. 6. com. 6. Vult. ad tit. Instit. de test. ord. Et hæc sententia approbata est in Saxon. Nov. Elect. August. p. 3. c. 3. in fi. ita tamen, si testator præsens deponat Moll. 1 sem. c. 5.*

XXVIII.

Pro parte, ut sint vel plures, vel pauciores. Plures, ut in testamento cæci, ubi octo requiruntur (a): pauciores, ut in testamento condito inter liberos, ubi duo sufficiunt (b), factio à rustico, ubi tam facilis copia testium haberi nequit (c), item in testamento militis (d)

(a) *l. hac consultissima §. C. qui test. fac. poss. (b) l. 16. C. fam. hercis. Zunt. in respon. suo pro uxore n. 45. Dis. Cujac. in consult. consult. 1. Salicet. in l. f. C. famil. hercisc. (c) l. fin. C. de testam. (d) pr. Inst. de milit. testam.*

In

XXIX.

In testamento facto tempore pestis, quamvis pleriq; quinque testes sufficere putent, si nimium pestis grassetur: duo vel tres si ipse testator peste correptus sit: eaq; sententia iudicio cameræ recepta sit, (a) nos tamen juri scripto hanc sententiam esse contrariam non obscure docemur (b)

(a) *Vult. Inst. de test. ord. Myns. 1. obs. 16. Gail. 2. obs. 118. eamq; approbavit Elector Augustus p. 3. Const. 4. (b) per tex. expressum l. casus 8. D. de testam. Clar. in §. testamentum q. 56. Boër. decis. 228. Fach. 5. contr. 92. Diss. allegati Autor. quibus adde Menoch. 2. arb. jud. quæst. cas. 94. n. 71.*

XXX.

Quartò in testibus requiritur, ut (quemadmodum & in testatore (a)) testamento se subscribant: idq; adeò necessarium est, ut si testis nomen suum non subscripserit, perinde sit, atq; si adhibitus non esset. (b) Quod si scribere non possit, unum ex contestibus rogabit, qui suo nomine subscribat (c)

(a) *Si noverit literas, sin minus, octavus insuper testis, qui se pro testatore subscribat, & sigillum apponat, adhibetur, Vult. Inst. de test. ord. in §. 2. n. 36. (b) l. hac consultissima 21. C. de test. (c) Vult. d. loco.*

XXXI.

Subscriptionem factam etiam subsignent annulo, vel suo, vel alieno & si annulus alienus, istius in subscriptione mentionem fieri debere Speculator scribit, sed id probandum non putamus. l. 22. §. 2. & 5. D. qui test. fac. poss. §. 3. Instit. de test. ord. d. l. hac consultiss.

XXXII.

Sed num tantum annulo, an verò alio quovis signo signare possunt inter Dd. non convenit: posterius affirmamus.

Cum Vult. Inst. de test. ord. §. possunt autem omnes 2. n. 35. Conan. 9. com. 2. Diss. Vigl. ad §. 5. Instit. de test. ord. Vide VVes. ad §. possunt 3. Inst. de test. ord. Don. 6. com. 8. Hotom. 1. obs. 20. qui textum l. 22. §. 5. legunt negativè, quos reprehendit Cujac. 14. obs. 11. Robert. 1. recept. lect. 21.

XXXIII.

Et hæc sunt, quæ de testibus dici possunt, sequitur nunc ipsa testamenti actio.

XXXIV.

In actu testamenti requiritur, ut fiat uno eodemq; tempore & uno contextu, nullo alieno actu interveniente. *l. heredes*

l. heredes palam 12. §. fin. D. qui test. fac. poss. §. sed cum paulatim ubi Vult. Inst. de test. ord. l. hac consultiß. 12. C. de test. Modicum tamen intervallum, puta si fortè testatoris moribundi conditio hæc simul fieri non patiatur, vel si necessitati naturæ sit parendum, si morbus ingravescat & statim remittat, si medicamentum aegroto sit adhibendum, vel si quis necessarius naturæ usus ad depositionem superflui ponderis immineat, vel testatori, vel testibus, & si quæ sunt ejus generis alia l. cum antiquitas 28. C. de testam. l. hac consultiß. 21. C. d. t.

XXXV.

Gravis hinc inter Dd. oritur concertatio num videlicet contractus, emtionis, locationis, conductionis, stipulationis sit actus extraneus, cujus interventu testamentum vitietur? Nos ab affirmantium partibus stabimus.

l. verb. contraxerunt de V. S. Vult. Inst. de test. ord. in §. 2. n. 31. Vgl. in §. 1. vers. sed cum paulatim, Inst. de test. ord.

XXXVI.

His ita ritè & solenniter confectis, hodie in utroq; testamento, tam scripto, quam nuncupativo, opera Notarij publici etiam adhibentur.

Vide plenè des Reichs abschied in comit. Colon. anno 1512. sub tit. Von Testamenten/ §. Und sollen die Notarij. Hoc factò ulterius quid requiratur, tradit Schneid. Inst. de test. ord. in §. fin. n. 8. in fi.

XXXVII.

Testamentum, secundum juris requisita confectum, de jure suum fortitur effectum, ut nimirum quàm diu ex testamento speratur hereditas, successioni ab intestato non sit locus.

l. quàm diu 42. D. de acquir. vel omitt. hered.

XXXVIII.

Testamentum etiam in quacunq; materia scribatur nihil interest, modò ad eam rem sit idonea, §. 12. Inst. de test. ord.

XXXIX.

Publicatio testamenti, quæ est illa actio, qua testamentum factum in publicum producitur, plerumq; post mortem fit (a) & secundum leges & mores civitatis, in qua fit testamenti apertura, fieri debet (b)

(a) Cujac. in 12. D. quemad. test. aper. (b) l. 2. C. test. quemad. ap. plura quæ ad publicationem & aperturam testamenti requirantur.

V. apud

V. apud Schneid. Inst. de test. ord. in §. nihil autem, Vult. Inst. de pupill. sub. in si.

X L.

Finis.

Finis testamentorum est pietas, propter quam stylus testamentum liber esse debet l. 1. C. de SS. Eccl. publica utilitas, siquidem publicè interest, ut homines morientium facultates acquirant per not. in l. 1. D. solut. matr.

Et tantum de testamentis ordinandis dictum sufficiat: in sequenti, Deo volente, disputatione, quemadmodum ritè facta vicissim infirmentur, videbimus.

Coronidis loco.

Vasallus de feudo testamentum condere non potest, adeoq; nec ad piam causam, aut pro anima legare. Excipimus feudum novum: de eo enim potest testari vasallus, & uni filiorum totum feudum prælegare, modo testatori Dominus consentiat.


FINIS.



Fa 1388,
80

Ink.

[Faint blue ink scribble]



ORATIONE IX.

17

STAMEN ORDINANDIS.

Quam
recepta scholæ consuetudine,
ati gratia in illustri Uui-
sum Academia

Præside
DO MULLERO
ENSI SAXONE, LL.
TVDIOSO,

tissimis aliquot juvenibus, Col.
uavissimis propono ad
to. Cal. Iul.

EN NEMETERUS,
NIENSIS SAXO.



EBERGÆ,
NO CIO 12 XCIX.

17

